



## სამეურნეო ჟურნალი

# გოგსავალი

(იბეჭდება ორ კვირაში ერთხელ)

ჟურნალის ფასი წელიწადში . . . . . 3 მან. || რედაქცია: კავკასიის სამეურ. საზოგადოება  
თითო ნომერი ხელზე გასასყიდად . 10 კაპ. || ადრესი: Тифлисъ, Барятинская, № 5.

### წელიწადი პირველი

1909 წელიწადი.—14 გიორგობრისტვა.—№ 13.

### შინაარსი

ვ. რცხილაძე . . . . .	ორგანიზმის თვითმკურნავი ძალა. . . . .	3
გ. ნახუცრიშვილი . . . . .	საუბარი დედამიწაზედ. . . . .	6
დ. მდივანი . . . . .	ვაზის გასხვლა. . . . .	8
ვ. შ—ელი . . . . .	ხელაფხური სასუქები. . . . .	10
აგრიკოლა . . . . .	ნამუენი ვაზი გურიაში. . . . .	13

### საყურადღებო ცნობები:

ვ. გულბათიშვილი . . . . .	როგორ დასმარებას უწყევნ რუსეთის განათლებული პირნი რუსეთის სოფლის მეურნეობას . . . . .	14
	სად როგორ არის გაგრელებული სამეურნეო იარაღე- ბის და მაშინების სმარება რუსეთში. . . . .	15
	როგორ ვრედელებიან „მომსმარებელი ამხანაგობანი“ ფინდიანდიაში. . . . .	15
	თანამშრომელთა და მკითხველთ საყურადღებოდ. . . . .	16
	განცხადებანი. . . . .	16

მუსკავსო მონაგრობა

# სამეურნეო ჟურნალი მოსაკალი

(იბეჭდება ორ კვირაში ერთხელ)

ჟურნალში მონაწილეობას მიიღებენ: — ავერკინი პ., ალიბეგოვი გ., ბერეკა-  
შვილი კ., გვერდწითელი პ., გოგნივეი ლ., გოგინაიშვილი ფ., დედაბრიშვილი შ., ეირანო-  
ვი ს., ვაჟა-ფშაველა, იოსელიანი ე., კარბელაშვილი ე., კალანდაძე ნ., ლორთქიფანიძე პ.,  
ლიონიძე ა., მაკარაშვილი ნ., მოსეშვილი ი., შრეველიშვილი გ., შკურნალი ნ., შურვანიშვი-  
ლი მ., შქელიშვილი ვ., შაშულაშვილი მ., მალალაშვილი მ., მდივანი დ., ნანეიშვილი მ.,  
ნახუტრიშვილი გ., ნასარიძე ს., წულუკიძე ა., ელილაშვილი ზ., დვთისავაროვი კ., ზაალიშვი-  
ლი მ., ჯაფარიძე გ., ყავრიშვილი ნ., ჩოლოყაშვილი ს., რაზიკაშვილი თ., რცხილაძე ვ.,  
ხუნდაძე ს., ციმოფეევი ს., სააკოვი ა., ქარცივაძე მ.

რედაქცია მოელის სხვებიდანაც თანამშრომლობის სურვილის გამოცხადებას.

## თანამშრომელთა საქუხადლეზოდ.

ჟურნალის შემოსავლიდან გაისტუმრება ხარჯი სტამბისა და კანცელარიისა, და-  
ნარჩენი (თუ რამე დარჩა) წლის დამლევეს დაურიგდებთ თანამშრომლებს პროპორ-  
ციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეა-  
მოკლოს. წერილები და კორესპონდენციები, რომელნიც არ დაიბეჭდებიან, არც შე-  
ინახებიან დასაბრუნებლად.

რედაქცია მზათ არის აღმოუჩინოს „მოსავლის“ მკითხველებს ყოველ გვარი  
შუამავლობა სამეურნეო იარაღებისა და მაშინების და აგრედვე ყველა სამეურნეო  
ნაწარმოების შექმნა-გასაღებაში.

**განცხადებები** დაიბეჭდება მხოლოდ უკანასკნელ გვერდზე. ჩვეულებრივი სტრი-  
ქონი (ვენური ან აკადემიური ასოთი) განცხადებისა ღირს **ორი შაური.**

წლიურ აბონემენტებისათვის განცხადების ფასი რედაქციასთან შეთანხმებით.  
განცხადების ფასი წინდაწინვე უნდა იყოს წარმოდგენილი.

**ქუთაისში** ხელის მოწერა ჟურნალზე მიიღება წიგნის მაღაზიაში „იმერეთი“

**რედაქტორ-გამომცემელი მ. ი. რცხილაძე**

### რედაქციისაგან ხელისმომწერლების საყურადღებოდ

რედაქცია უმორჩილესად სთხოვს ყველა იმათ, ვისაც ჟურნალი „მოსამკლი“ ეგზავნებათ თანახმად მათი სურვილისა და მომავალ იანვრამდე ღირებული 2 მანეთი კი ან სრულიად არ შემოუტანიათ, ან მარტო ნაწილი აქვთ შემოტანილი, კეთილ ინებონ და გამოუგზავნონ რედაქციას თავიანთი ხვედრი გარდასახადი.

## ორგანიზმის თვითმკურნაობა კალა

პროფესორ მინიკოვიჩის ლექციიდან, რომელიც წაკითხული იყო შარშან გაკლენში და წილს სტოკოლმში.

(დასასრული \*)

საზოგადო მოვლენად იქმნა მიღებული, რომ როცა ცოცხალ ორგანიზმის უცხო რამ სხეული შეერქობა, როგორც შავალითად ეკალი ან ხიჭვი შევვერქვება ხოლმე, ორგანიზმის იმ ალაგას, სადაც ეს უცხო სხეულია შეტული, სისხლის თეთრი ბუშთები იკრიფებიან მრავლად, მიუხედავად იმისა ორგანიზმი იგი მარტივი აგებულებიანა, რგორც მაგ. დაფნი ანუ ჭაობის რწყილი (მოყვანილობა პირველ შეხედვით რწყილს მიუგავს), თუ ისეთი ცხოველისა, რომელსაც აქვს რთული სისტემა სისხლის ტრიალის ორგანოებისა. ესლა უკვე ქემარტიტებად უნდა ჩითვალოს, რომ სისხლის თეთრი ბუშთები არიან ცოცხალი არსებანი, რომელთაც ნებითა თვისითა ძალუძთ მოძრაობა და აქვთ მახვილი გრძნობიერება, რომელიც იღვიძებს და იწვევს ამ ბუშთების განსაკუთრებულ მოქმედებას, როცა სხეულს რომელიმე მავნე ბაქტერიები ეწვევიან. მოქმედება იგი მდგომარეობს იმაში, რომ ლეიკოციტები, როგორც დამცველი ჯარი, შემოესევიან ხოლმე ამ დაუბატრებელ სტუმრებს და ცდილობენ შთანთქან მტერნი იგი.

ბაქტერიები ჩაყურყუმელავებულნი სისხლის თეთრი ბუშთების სითხეში

იშლებიან, იხარშებიან და იხოცებიან. ესე ხდება მაშინ, როცა გამარჯვება ბრძოლაში ლეიკოციტებისაკენ არის, ხოლო წინააღმდეგ შემთხვევაში, როცა ლეიკოციტები ბლომად არ იყვნენ ბრძოლის ველზედ გამოსულნი, ბაქტერიები სჩაგრავენ მათ, შხამავენ თავიანთი შხამით, ხოცავენ და თითონ კი მრავლდებიან ორგანიზმში, ვიდრე ამ უკანასკნელს მოკლავენ და თითონაც თან გადაჰყვებიან.

დიდად საყურადღებოა აქ ის მოვლენა, რომ სისხლის თეთრ ბუშთებში შეზიდული უცხო სხეულნი ბუშთების სითხეში იშლებიან, იხარშებიან და შეილევნიან ანუ შეიქმებიან ხოლმე, რის გამოისობით ამ ბუშთებს მე „ფაგოციტები“ დავარქვი სახელად და თვით მოვლენას — „ფაგოციტოზი.“ ხოლო ამას ერთის მხრით ის უნდა დაფუმატო, რომ სისხლის ყველა თეთრი ბუშთები ფაგოციტები არ არიან და მეორეს მხრით ის, რომ სისხლის ზოგ წითელ ბუშთებსაც შეუძლიანთ უცხო სხეულების შთანთქმა. ამიტომ თუმცა მომეტებული წილი თეთრი ბუშთებისა ფაგოციტებია და მეტი წილი ფაგოციტებისა თეთრი ბუშთები, მაგრამ მაინც სისხლის თეთრი ბუშთები და ფაგოციტები ერთდღივივით არ მიიღება.

\*) იხილე „მოსამკლი“ № 12.

ხოლო არიან ისეთი სახადებიც, როდესაც მოვლენა ფაგოციტოზი დიდი ზომითა ხდება ორგანიზმში, მაგრამ ეს უკანასკნელი მაინც იღუპება. ასეთ სენს ეკუთვნის მაგალითად ქლერქი. ქლერქის წინააღმდეგ ფაგოციტები ვერას გახდებიან ხოლმე იმიტომ, რომ ქლერქის ბაქტერიები ლეიკოციტების სითხეში არ იხოცებიან, რადგან მათი სხეული ერთგვარი წმინდა სანთლის მზგავსი ნივთიერებით არის გაყენილი და ხარშვა არ ეკიდებათ, პირიქით თვით ეს ბუშთები ჰკლავენ ლეიკოციტებს. მიუხედავად ამისა ფაგოციტოზის მნიშვნელობა ქლერქის დროს მაინც დიდია. ეს მნიშვნელობა იქიდანაა სჩანს, რომ იმ ცხოველთ ორგანიზმში, რომელნიც ქლერქით არა ხდებიან ავად, ამ ორგანიზმის დიდრონი ფაგოციტები ქლერქის ბაქტერიებს ბლომდაც სკამენ და ადვილდაც ხარშავენ, ხოცავენ და ინელებენ კიდევაც.

თვალი რომ გადავაგლოთ ადამიანის და პირუტყვების იმ სატკივრებს, რომელნიც კარგად არიან შესწავლილნი, ყველგან ერთდაიგივეს ვნახამთ: როდესაც ორგანიზმს სატკივარს უძლებს და რჩება, მაშინ ფაგოციტოზიც დიდი ზომით ხდება ბოლომდე; როდესაც არა, ესე იგი როცა სატკივარი სძლევს სხეულს, მაშინ ფაგოციტები ან არ მოქმედობენ სრულიად, ან და მცირედია მათი მოქმედება.

გამოკვლევებით, რომელიც დღემდეა მომხდარი, სამუდამოდ მტკიცდება, რომ ის შეხედულება, ვითომ ჩირქის თეთრი ბუშთები ორგანიზმს მტრები არიან და არა მოკეთენი, უარყოფილი უნდა იყოს. პირიქით ბუშთები იგი უნდა ჩაითვალოს დარაჯებათ, რომელნიც

იფარავენ სხეულს მანე ბაქტერიებისაგან.

მართალია, ამ ბუშთების დიდძალი მოგროვება ერთ ალაგას ხშირად საშიში მდგომარეობის მომასწავებელია, მაგრამ ეს იმიტომ კი არა რომ თვით ბუშთები იყვნენ მიზეზნი, არამედ იმიტომ რომ მდგომარეობა იგი შედეგია მანე ბაქტერიების მოქმედებისა, რომელსაც თეთრი ბუშთები მხოლოდ ეწინააღმდეგებიან სხეულის გასამარჯვებლად.

ფაგოციტები მზადდებიან ელენთაში, ლიმფაში და ძვლის ტვინში, როგორც პირველ დასაწყის ბუდეებში. აქედან გადიან სხეულის ყველა ასო-ორგანოში, სადაც კი მანე ბაქტერიები ან სხვა მიკროსკოპიული მტერნი იყვნენ შემოსეულნი.

ამ ბუდე-ორგანოებში უპოვიათ ფაგოციტების ბრძოლისათვის ხელის-შემწყობი ნივთიერებანი იმაზე ადრე, ვიდრე ეს ნივთიერებანი სისხლში შესულან.

როცა მანე ბაქტერიები სწვევიან მაგალითად ფილტვებს ან სხეულის კუჭ-ნაწლევებს, ეს ხელის შემწყობი ნივთიერებანი იქ უკვე ყოფილან მოგროვილნი. ეს მოვლენა იმას ამტკიცებს, რომ ნივთიერებანი იგი თვით ფაგოციტებისაგან მზადდებიან და არყოფილარიან სხეულის სისხლში და სხვა წვენებში, როგორადაც „ოპსონინები“ ინგლისელი ექიმი რაიტისა.

ეხლა დამტკიცებულად უნდა ჩაითვალოს, რომ რამდენადაც ორგანიზმს ძნელად შეეყრება რომელიმე სახადი, იმდენად მოვლენა ფაგოციტოზი ძლიერია მასში სახადის ბაქტერიების წინააღმდეგ.



დიდად საგულისხმოა ამ შემთხვევაში შედეგულ ბაქტერიოლოგ პეტერსონის გამოკვლევა, რომელსაც აღმოუჩინია, რომ იმ სხეულში, სადაც რომელიმე მანვე ბაქტერიები ფეხს ვერ იკიდებენ, ბაქტერიების დასახოც ნივთიერებებს სისხლის თეთრი ბუშთები უფრო მეტს ამზადებენ, ვიდრე იმ ორგანიზმში, სადაც ეს მანვე ბაქტერიები აღვილად მრავლდებიან და ხარობენ. ამას უნდა დავუმატოთ აგრედვე ამერიკელი მეცნიერ როზენოუსაგან გამოკვლეული შედეგი, რომ ფილტვების ანთების დროს (КРУПНОЗ. БОЧ), როცა სხეული მედგრად იბრძვის ამ სახადის ბაქტერიების (პნევმოკოკების) წინააღმდეგ, მაშინ ფაგოციტების ძალა პნევმოკოკების გაწყვეტაში უფრო ძლიერია.

ხოლო თუ ერთი მხრით ფაგოციტები მანვე ბაქტერიების წინააღმდეგ ბრძოლისათვის ხელშემწყობ ნივთიერებებს, ამზადებენ, მეორე მხრით ბაქტერიებიც არა რჩებიან ამ ბრძოლისათვის მოუმზადებლნი. ესენიც ხმარობენ ყველა მათთვის შესაძლო საშუალებებს, რომ მოწინააღმდეგე გაახადგურონ. ზემოთ ნახსენები პარაზიტი დაფნი, მაგალითად, ამზადებს ისეთ წვენს, რომელიშიაც სისხლის თეთრი ბუშთები არამც თუ მარტო დნებიან, არამედ სამუდამოდ იხოცებიან კიდევაც.

ესეთი ფაქტები ცოტა არ არის ბუნებაში.

ყველა ზემოთ ნათქვამის შემდეგ მკითხველი ალბად იკითხავს: ღირს კი ეს ამოდენა გამოკვლევანი იმათ რომ არა ერთსა და ორ მეცნიერს სხვადასხვა განათლებულ ქვეყნებში შეუღლევათ მათზე თავიანთი დრო, გაუწევათ ხარჯი, უწერიათ ერთმანეთის წინააღმდეგ,

უწვალნიათ? აქვს რამე ცხოვრებისათვის პრაქტიკული გამოყენება ამ შრომას, თუ არა?

ამაზე უნდა ვსთქვათ რომ პრაქტიკულად სარგებლობა ამ გამოკვლევებისა მხოლოდ ეხლა იწყება და სადამდე მიიღწევს ეს მომავლის საქმეა.

ფაგოციტოზის კანონით, რომელიც გვეუბნება: სისხლის თეთრი ბუშთები რამდენადაც მეტ ბაქტერიებს მთანტავენ, იმდენად ორგანიზმის გადარჩენა სახადისაგან უზრუნველყოფილია—პირველად შვეიცარელ ბეითალმა ცოკემ ისარგებლა ძროხების ავადმყოფობის წინააღმდეგ. ეს ავადმყოფობა მდგომარეობს იმაში, რომ მეწველი ძროხა ცურის ანთებით ხდება ავად, სენით, რომელიც ძალიან აფუტებს რძეს.

ცოკემ გამოიკვლია რომ ფაგოციტოზის გაძლიერებით სენის ბაქტერიების (სტრებტოკოკების) წინააღმდეგ ძროხები რჩენაში შედიან. ამ ბეითალმა შეიმუშავა ისეთი საშუალება, რომლითაც იგებს, რამოდენა ძალით მოქმედობს ფაგოციტოზი ავადმყოფ ძროხის ორგანიზმში, ესე იგი რამდენად ძროხის მორჩენა სენისაგან უზრუნველყოფილია; სახელმწიფომ კიდევ შეიმუშავა კანონი ძროხების დაზღვევისა, რომ იმ შემთხვევაში როცა ძროხის მორჩენა საიმედო აღარ არის, პატრონს საზღაური მიეცეს და ავადმყოფი საქონელი განიდევნოს, რომ სატკივარი უფრო არ გავრცელდეს.

ფაგოციტოზის კანონით სარგებლობს აგრეთვე ბერლინში პროფესორი ბუმ, როცა მელოგინე საშვილოსნოს ანთებით ხდება ავად. აქაც, თუ ფაგოციტოზი დიდის ძალით მოქმედობს, ხომ ავადმყოფის მორჩენაც უზრუნველყოფი-



ლად ითვლება, თუ არა და მდგომარეობა საშიშოა.

ფაგოციტოზის კანონით უკვე სარგებლობენ აგრეთვე ზოგიერთი ხირურგებიც საფრანგეთშიაც და გერმანიაშიაც: ოპერაციის შემდეგ, რომ მავნე ბაქტერიები არ გაჩნდნენ, იმ ალავას, სადაც კრილობაა, ავადმყოფს მუცელში ან კანში შეასხურებენ ხოლმე ეგრედ წოდებულ ნუკლეინის სიმეფავეს, რომ კრილობისაკენ გამოიწვიონ დამცველი ჯარი ფაგოციტებისა მავნე ბაქტერიებთან შესაბრძოლებლად.

ამ ბოლოს დროს სხვადასხვა საშუალებათა შორის ფაგოციტების გასამრავლებლად იქ, სადაც საჭიროა, უფრო მეტი ყურადღება მიიპყრო იმ წესმა, რომელიც ბერლინის პროფესორმა ბირმა შეიმუშავა.

მუწუკის, კრილობის, ერთი სიტყვით, ანთებით დაავადებულ ადგილების გარშემო ბერლინის პროფესორი კოტოშსა და რეზინის თასმებს ახმარებს, რომ ვენებში სისხლის შეგუბებით არტერიებით მოსულ ფაგოციტებს უკან არ

შეეძლოთ წასვლა და კრილობასთან ბლომად შეგროვდნენ.

ამ უკანასკნელ დროს იაპონელი ექიმი შიმოდაიროც ამბობს თავის დაბეჭდილ შრომაში, რომ პროფესორ ბირის სისტემით ნახმარი ფაგოციტოზი ერთი უმთავრესთაგანა საშუალებაა კრილობის მორჩენაში.

რაც შეეხება იმ ნივთიერებებს, რომელიც ფაგოციტოზის გაძლიერებას გამოიწვევენ, ჯერ-ჯერობით ბევრი არა არის რა გამოკვლეული, ხოლო ბევრნი კი შეუდგნენ ამ საქმეს.. ჯერ მართო ვიცით გრუნშვანის გამოკვლევა, რომელიც ამტკიცებს, რომ ფაგოციტოზი ძლიერდება ქინა-ქინით თუ ძალიან ცოტას ვახმარებთ და დიდი ხომით ხმარებული კი სულ წინააღმდეგ მოქმედობსო, ე. ი. ფაგოციტოზს ასუსტებსო.

ნეისერი და გვერინი ფაგოციტოზის ყველაზე მეტად გამაძრიებელ ნივთიერებებად პეტონებსა სთვლიან.

ვ. რცხილაძე

## საუბარი დედამიწაზე

იშვიათად შეხვდებით ადამიანის ცხოვრებაში ისე უყურადღებოდ მიტოვებულ და აბუჩად აგდებულს საქმეს როგორც არის დღეს ჩვენი მეურნეობა.

სამწუხაროდ მეტი წილი ჩვენი საზოგადოებისა ისე უყურებს მეურნეობას, როგორადაც სულ უბრალო და საადვილო საქმეს, რომელსაც მათის შეხედულობით ვითომც არავითარი ცოდნა და გამოცდილება არ უნდოდეს. ამისათვის დღეს ყველას მეურნეთ მოაქვს თავი, დიდის იმედებით გაბედულად ათასნაირ საქმეს ჰკიდებს ხელს, მაგრამ ცხადია, რომ უფიცი ხელით გა-

კეთებული საქმე ბოლოს წვალებისა და ზარალის მეტს არას აძლევს გამოუცდელ და უსწავლელ მეურნეს.

ეს იმისათვის ხდება, მკითხველო, რომ სწორეთ მეურნეობა ითხოვს მეტ ცოდნასა და გამოცდილებას, ვიდრე სხვა რაიმე ხელობა, რადგანაც მეურნეს მხოლოდ ცოცხალ არსებასთანა აქვს საქმე, როგორც მაგალითად ჩვენი სამეურნეო მცენარენი პური, სიმინდი, ვაზი, ხეხილები და სხვა არიან. მაშასადამე მათ მოსამრავლებლად და მოსავლელად მეურნესათვის უპირველასად მათ ცხოცხოვრებასთან დაახლოვებით გაცნობა და მისი შესწავლაა საჭირო.

მაგალითად ავიღოთ ჩვენი მასაზრო-  
 ვებელი პური, რომელიც თავისი ფე-  
 სვებით იღებს საზროლს მიწის ზედად-  
 ნიადაგიდან.

მაგრამ განა ყველას ესმის, რა არის  
 ნიადაგი, საიდან წარმოსდგა იგი, რა  
 ცვლილება მოხდა ან ხდება დღეს ჩვე-  
 ნი დედამიწის ცხოვრებაში? ამისათვის  
 მინდა ამ ამ საგანზედ შევსდგე და მოკ-  
 ლედ გავაცნო მკითხველი დედა-მიწის  
 წარსულ ისტორიას.

დედა-მიწა, რომელზედაც დღეს ათას-  
 ნაირი ცხოვრებაა გაჩაღებული, რამო-  
 დენიმე ათასი წლის წინეთ სულ სხვა  
 სურათს წარმოადგენდა. მაშინ ეს უშვე-  
 ლებელი ბურთი მთლად გამდნარ-გა-  
 ელვარებული ჰაეროვან ნივთიერებათ  
 იყო გარდაქცეული. აქედან ცხადია,  
 რომ ამ დროს არავითარ სულდგმულს  
 არ შეეძლო მასზედ ცხოვრება. ბევრი  
 ათასი წელი ასე უსიცოცხლოდ და-  
 რიალებდა ცივ ჰაერის სიფრცეში. ამ  
 ტრიალის დროს იგი ჰკარგავდა თავის  
 სითბოს—ნელდებოდა და ამ გვარად  
 გამდნარ ჰაეროვან ნივთიერებიდან—  
 ცეცხლმაგვარ სითხეთ გარდაიქცა. ეს  
 უკანასკნელიც ტრიალის დროს ჰკარ-  
 გავდა თავის სიცხოვლეს, სქელდებო-  
 და და ამ ნაირად დედა-მიწას გარედან  
 გაციებული კანი შემოეკრა და ცეცხლ-  
 მაგვარი სითხე კი ამ გაციებულ კანს  
 ქვეშიდან მოემწყვდა; მაგრამ როგო-  
 რადაც საშინელი ძალა, როდი უს-  
 ვენებდა დედამიწას, იგი საშინელის ძა-  
 ლით და ხმით ამოჰხეთქავდა ხოლმე  
 ახლად გაციებულ კანს და ცეცხლის  
 ნიაღვარის მსგავსათ მოეფინებოდა მი-  
 წის გაციებულ ზედაპირს. ეს ამოღე-  
 რილი სითხეც რასაკვირველია ცივდებ-  
 ბოდა და აი ამ გაციებულ ცეცხლმა-  
 გვარი სითხისაგან წარმოსდგენ ჩვენი

სხვადასხვა ფერისა და სიმაგრის უშვე-  
 ლებელი კლდეები.

დღესაც დედამიწის გულში არ გამ-  
 ქრალა ცეცხლი, დრო გამოშვებით იგი  
 კიდევ გარღვევს ხოლმე მიწის სქელ  
 კანს და დიდ უბედურობას ახდენს თა-  
 ვის ახლო-მახლო. ბევრი ქალაქი და  
 სოფელია დამარხული თავისი მცხოვ-  
 რებლებით, ამგვარ ცეცხლნიაღვარის  
 ქვეშ.

იმ მთებს, რომლებიდანაც ეს ცეცხლ-  
 მაგვარი სითხე ამოჰხეთქს ხოლმე, ცე-  
 ცხლის მფრქვეველ მთებს ანუ ვულკა-  
 ნებს უწოდებენ.

შემდგეში, როდესაც დედამიწის ზე-  
 დაპირი კარგად გაცივდა და გასქელდა,  
 იმაზედ ცოტად თუ ბევრად მშვიდო-  
 ბიანობაც დამყარდა და აი ამ დროს  
 ბუნებამაც არ ახანა და ზედ თავისი  
 საქმიანობა დაიწყო.

ქვამაგვარი ნივთიერებების მეტი მაშინ  
 მიწაზედ არა მოიპოვებოდა—რა, ბუნება  
 კი თავისი სითბოს და სიცივის ზედ-  
 გავლენით ამ ქვა-კლდეებს ხან ჰკუმშავ-  
 და, ხან აგანიფრებდა და ამ ცვლილებების  
 წყალობით ქვა-კლდეები იმსხვრეოდნენ  
 დიდსა და პატარა ნატეხებათ. ასე განა-  
 გრძობდა ბუნება თავის მუშაობას შემ-  
 დგეშიაც. ესე იგი ქვამაგვარი სხეულნი  
 იმტვრეოდნენ უფრო პატარა ნატეხებათ,  
 ეს უკანასკნელნიც უფრო წვრილათ და  
 ასე ქუცმაცდებოდნენ, ანუ უკეთ რომ  
 ვსთქვათ ფხვიერდებოდნენ. რომელი  
 კლდის ქვაც გინდა აიღოთ, ყველა მათ-  
 განი სხვადა სხვა სხეულებისაგან შეს-  
 დგება, რომლებსაც ჩვენ მინერალებს  
 ვუწოდებთ. მინერალებიც აგრეთვე  
 სხვადასხვა ნივთიერებისგან არიან შე-  
 კავშირებულნი. რომ ეს უფრო ნათლად  
 წარმოვიდგინოთ, აიღეთ მაგალითად  
 ვგრედწოდებული **ჯვარიანი ქვა** ანუ

**გრანიტი**, გასტეხეთ და კარგად დააკვირდით. მაშინვე შეამჩნევთ შიგ სხვადასხვა სახისა და ფერის ნამცეცებს, პირველათვე თვალბში გეცემათ ნაზი მოწითალო ფერის მარცვლები, რომლებიდანაც წარმოსდგება მინერალი **ქარწი** — **полевои шпаты** (ქიქის მსგავსი ქვაა).

ამ უკანასკნელს დიდი მნიშვნელობა აქვს ჩვენ მეურნეობაში, რადგან ამ ზემოხსენებული მინერალისაგან არიან წარმომდგარი სხვადასხვა თიხა მიწები, რომლებშიაც მოიპოვება მცენარეთათვის საუკეთესო საკვებავი **კალი** (калий). გარდა ამისა გრანიტში მოიპოვება მინერალი **თაღნი** (глина), რომელიც მოშაო ფერისაა და ბზინავს.

კიდევ დანახავთ შიგ ქვიშის წვრილ მარცვლებს, აქედან წარმოსდგა მინერალი **თაგვ-მარილა** (кварц).

როგორცაღა გრანიტია, აგრეთვე სხვა ჯურა ქვა-კლდეებიც სითბოსა და სიცივის ზედმოქმედებით იშლებოდნენ სხვადასხვა მინერალებათ, ესენიც სხვადასხვა შემადგენელ ნივთიერებათ, როგორცაღა მავალითად: ფოსფორი, კირი, მაგნეზია და სხვა, რომლებიც

წარმოსდგენენ ყველა მცენარეთათვის უსაჭიროეს საკვებაებს.

ქვების დაშლა-დაქუცმაცებას, სითბო სიცივის გარდასხვა გარემოებაც უწყობდა ხელს. სახელდობრ სხვადასხვა უბრალო მცენარენი და ცხოველნი როგორც მაგალითად ხავს მზგავსი მცენარენი, სოკოებო და სხვა. ესენი ყველაზედ უწინ დასახლდნენ დედამიწის კანზედ.

ამ ნაირათ რაც დრო გადიოდა, მიწის ზედა პირიც უფრო ფხვიერდებოდა. ამ დროიდან გაჩდნენ სხვადასხვა მცენარენი და ცხოველნი, რომლებიც მოსჭამდნენ თუ არა თავის დროს იხოცებოდნენ და ეროდნენ გაფხვიერებულ მიწას, რომელსაც დებავდნენ შავ ფრად. ასეღ შავ მიწას კაცმა სახელად **ზეადაგი** უწოდა. ეხლა მგონი ყველას ნათლად შეუძლიან წარმოიდგინოს, რომ ჩვენი მიწის ზეადაგი წარმომდგარა დაშლილ ქვა კლდეებისაგან, რომლებშიაც გარეულია უწინდელ მცენარეების და ცხოველების დამშალი სხეულნი.

ნოვაკა.

გ. ნახუცრიშვილი

## ვაზის გასხვლა

ვაზს სხლავენ შემოდგომაზე და გაზაფხულზე. ჩვენში-კი, უმეტესი ნაწილი ვენახებისა ისხვლება შემოდგომაზე. გამოცდილი მევენახეები ამტკიცებენ, რომ გაზაფხულზე გასხლული ვაზი უფრო მეტს ისხამს. დესეტინა ვენახი, გასხლული გაზაფხულზე, თითქმის 20 ფუთით მეტ მოსავალს იძლევა, ვიდრე შემოდგომაზე გასხლული. სუსტი, ძველი ვენახები სჯობია გაისხლოს შემოდგომაზე, როცა ვაზს ფოთოლი გასცივია, ძლიერი და ახალ-

ვაზრდა ვაზები კი სჯობია გაისხლოს გაზაფხულზე. ვაზი უნდა გაისხლოს სანამ წვენი მოძრაობა დაიწყებოდეს, რომ ბევრი წვენი არ დააქციოს (არ იტიროს), ისეთი ვაზები, რომელნიც სომაზე მეტად დაიმსხვილებენ ლერწს, რაც მეტს იტირებენ, მეტს დაისხავენ. არ ვიცი საიდან შემოიღეს ჩვენში (ზემო იმერეთში) ახირებული დრო ვაზის გასხვლისა: როგორც კი მოკრეფავენ ყურძენს, მეორე-მესამედღეს შეუდგებიან მშვენიერ მწვანე



ფოთლიან ვაზის სხვლას. ჩემის აზრით ესეთი ადრე გასხვლა დიდ ზიანს აძლევს ისედაც დაავადებულ ფილოქსერიასაგან ძველ დაუმყნობლ ვაზებს. განა იმისთვის არ ვასხურებთ ვაზს შაბიამანს, რომ რაც შეიძლება მეტ ხანს შერჩეს სალი და მწვანე ფოთლები! ფოთოლი კუჭია მცენარის. ფოთლებში უნდა გადამუშავდეს ყველა ის საკვები მასალა, რასაც მცენარე ფესვების საშუალებით იღებს მიწიდან. თუ კი ვაზს სალი მწვანე ფოთლები ექნება და თბილი ჰავაც ხელს შეუწყობს წვენი მოძრაობას, უდროვოდ რად უნდა მოვსპოთ მაშ ჩვენ იმისი მუშაობა? არა სჯობია დავაცალოდ სანამ მწვანე ფოთლები გაყვითლდებოდეს, ჰავაც გაცივდეს, წვენი მოძრაობაც შესწყდეს და მერმე გავსხვათ? მერე, მწვანე ფოთლები, ჩაყრილი ვენახში, იზიდავენ სხვადასხვა მავნე მიკრობებს და ამხადებენ ვაზის სენის გასაძლიერებელ ნიჟარს. ჩვენის აზრით მრავალნაყოფიერებისათვის ვაზი სჯობია გაზაფხულზე განსხლას, ხოლო სუსტ, ძველ ვაზებს კი შემოდგომაზე უნდა გასხვლა, როდესაც სრულიად გაცივდა ფოთლები. ვისაც ბევრი ვენახი აქვს და სურს გაზაფხულისათვის მუშაობა შეიმსუბუქოს, შემოდგომაზე შეიძლება დააჭრას ვაზებს უვარგისი და არ-საჭირო რქები, ხოლო გაზაფხულზე დაუაროს ხელმეორედ და სამამულედ და სანაყოფოდ დატოვებული ვაზები გასხლას.

სხვადასხვა რაიონებში სხვადასხვა ყაიდაზე სხლავენ ვაზს. ეს სხვადასხვაობა დამოკიდებულია უმთავრესად ადგილობრივ ჰავაზე, ვენახის ადგილის მდებარეობაზე, ვაზის ჯიშზე და მის ძალაზე. ჩვენში თითქმის ყველანი ერთ ყაიდაზე სხლავენ ვაზს: ნეკს ანუ სამამულე რქას

სკრიან 2—3 კვირტზე, სანაყოფოს კი 7—15 კვირტზე. გრძელ მუხლიანი ჯიშები და ძლიერი ვაზები გრძლათ უნდა გაიხლას და მოკლე მუხლიანი ჯიშები და სუსტი ვაზები კი რაც შეიძლება მოკლედ. არის ისეთი ჯიშის ვაზებიც, რომელთაც სანაყოფო კვირტები მხოლოდ რქის ქვედა ნაწილში აქვთ და თუ მოკლედ არ გავსხალით ძლიერ მცირე ნაყოფს მივიღებთ. ესეთი ვაზი უნდა 2—5 კვირტზე გაიხლას. როდესაც ვაზს სანაყოფო კვირტები შუა ლერწზე აქვს, უნდა იგი გრძლად გავსხვათ, რომ ბევრი დაიხსას. ზოგიერთ ჯიშებს მთლად დააჭრიან ხოლმე ლერწებს. ამ შემთხვევაში მძინარე კვირტიდან ამონაყარი ლერწი მრავლად იხსამს. ასეთ ჯიშებს ეკუთვნის თითქმის ყველა „მუსკატები“ და პირდაპირ ნაყოფიერი გიბრიდეები. ახალგაზრდა ვაზი პირველ წელიწადს უნდა გაიხლას 1—2 კვირტზე. გაზაფხულზე ყველა ამონაყარი ყლორტი უნდა შევარჩიოთ, მისთვის რომ რაც მეტი ყლორტი ექნება მას, იმდენად უფრო გაიმსხვილებს ტანს და გაიძლიერებს ფესვებს. მეორე წელიწადს ისევ 2 კვირტზე უნდა გავსხვათ და მესამე წელს კი უნდა ავარჩიოთ ყველაზე მსხვილი და სწორე ლერწი და სასურველ სიმაღლეზე გადავჭრათ. ერთი სიტყვით მესამე წელიწადს ყველა ვაზები ერთ ზომაზე უნდა დადგეს. შემჩნეულია, რომ დაბალი ვაზები ყოველთვის უფრო ადრე ამწიფებენ ყურძენს და ღვინოსაც მაგარს და კარგ ღირსებისას იძლევიან. მშრალ ადგილებზე ვაზის ტანის სიმაღლე საკმარისია 6—8 ვერსოკი; დაბალ, ვაკე, ნესტიან ადგილებში კი ერთ არშინამდის უნდა ავწიოთ. სადაც გაზაფხულზე ყინვა იცის,



იქ დაბალი ვაზი უფრო საშიშოა. ზო-  
მაზე დაყენებულ ვაზს გაზაფხულის  
ყლორტები ძირზე უნდა ჩამოშორდეს  
და დაუტოვოთ მხოლოდ ზევით 2—3  
ყლორტი. მეოთხე გასხვლაზე ვაზი  
სასურველ ყაიდაზე გაისხვლება ზეფორ-  
მაც ისეთი მიეცემა, როგორც გსურთ.  
გასხვლის დროს უნდა ვიქონიოთ სა-  
ხეში შემდეგი: რქა უნდა გადაიქრას  
შუა მუხლში და არა კვირტთან, ნეკს  
უნდა აურჩიოთ მთელი, უჭრილობო  
სწორე გვერდი ვაზისა, რომ წვეწის  
მოძრაობას ნეკისაკენ დაბრკოლება არ  
ექნეს; უკანასკნელი კვირტი ნეკისა  
ყოველთვის შიგნით უნდა იყოს და

არა გარედ. ახალგაზრდა ვაზს სანაყო-  
ფო რქები არ უნდა დაეუძალოთ: ჯერ  
უნდა დამსხვილდეს, გაღონივრდეს ვაზი  
და შემდეგ დიდ სხმოიარობასაც ადვი-  
ლად აიტანს. არ ვარგა, ჩვენში რომ  
2—3 წლის ნამყენს ორსა და მეტ  
ჩამოსახვევს დაატანენ ხოლმე. სწო-  
რედ ამიტომ სუსტდება და ალაგ-ალაგ  
ხმება კიდევაც ნამყენი ვაზები.

საუკეთესო სასხლავ იარაღათ ითვ-  
ლება კარგი მჭრელი დანა, სიჩქარი-  
სათვის კი მაკრატელი სჯობია. დანით  
ნასხლავი უფრო წმინდაა და მალეც  
შეხორცდება, მაკრატელი კი ქვეყანას  
და უმზგავსად სჭრის. **დ. მღივანი**

## სელოვნური სასუქები

### კირი როგორც სასუქი

იქ სადაც კირი ძალიან ცოტა ურე-  
ვია ნიადაგს, სასუქად კირიც იხმარე-  
ბა. კირს უფრო კურკიანი ხეხილები  
(მათ შორის უფრო ბალი და ატამი)  
თხოულობენ, ამითი აიხსნება რომ გა-  
მოცდილი მებაღეები, როცა ბალს ან  
ატამს რგავენ, ორმოში კირს ან ქვიტ-  
კირის ნაშალს ჩაყრიან ხოლმე.

სხვადასხვა ხეხილები სხვადასხვა ზო-  
მის კირს თხოულობენ ნიადაგში. ვაშ-  
ლი, მაგალითად, ორჯელ მეტ კირს  
თხოულობს მსხალზე. ამიტომ არის რომ  
ხშირად ერთდაიგივე ბაღში, სადაც  
ნიადაგს კირი არა აქვს საკმარისი, ვაშ-  
ლებს ავადმყოფობა კუ შეეყრებათ ხოლ-  
მე და მსხლებს კი არა უშავდებათ რა.

მსხალი კომპოზედ ნამყნობი უფრო  
მეტ კირს თხოულობს, ვიდრე როცა  
პანტაზე ნამყენი.

კურკიან ხეხილებს, როცა კირი აკ-  
ლია მათ ნიადაგს, ან სრულიად არ  
გამოაქვთ ნაყოფი ან და გამოტანი-

ლი სცვივათ დამსხვილებამდე და დამ-  
წიფებამდე

შემჩნეულია აგრედვე რომ კირი ჰმა-  
ტებს ნაყოფს ხეხილისას სიტკბოს და  
სურნელოვანობას; სადაც კარბათ ურე-  
ვია კირი ნიადაგს, იქ ხეხილის ნაყო-  
ფი უფრო თხელკანიანი გამოდის, მე-  
ტად იფერება და ხალებიც ნაკლებად  
აჩნდება.

ნიადაგში, სადაც სხვადასხვა ორგა-  
ნიულ ნივთიერებების დაშლა-დაღობო-  
ბაში ბევრი სიმჟავენი წარმოსდგებიან,  
კირი სასუქად ნახმარი იერთებს ამ სიმ-  
ჟავეებს და სპობს მათ საზიანო ზედ-  
მოქმედებას ხეხილებზე.

კირით გაპატივება მძიმე, გატინულ  
ნიადაგს აფხვიერებს, ასუმბუქებს; ზედ-  
მეტად შლილ, სუბუქ ნიადაგს კიდე  
ამაგრებს.

გარდა ამისა კირი როგორც ნიადაგ-  
ში არეული, აგრედვე ხეების ღეროე-  
ბზე წასმული იფარავს ხეხილებს მანენ  
მწერებისაგან და სხვადასხვა სატკივრი-  
საგან.

კირით გაპატივე 5—8 წელიწადში ერთხელ ძალიან რგებს ნოტიო ნიადაგებს; ხეხილები უამისოდ ნოტიო ნიადაგებში საკმარისად ვერ იმაგრებენ ხის ცილას.

რადგან კირი იდვილად გაუჯდება ხოლმე ნიადაგს, ამიტომ გასაპატიველად საკმარისია კირი ზემოდან გაიშალოს ნიადაგზე ან პატარაზე ჩაიბაროს.

სასუქად წყალდაუსხმელი კირი იბმარება, ხოლო სადაც იგი ძვირია ან შოვნაა ძნელი, ძველი ქვიტკირების ნაშალსაც ხმარობენ.

წყალდაუსხმელ კირს დაყრიან ბაღში გროვა-გროვა, ზემოდან გროვას დაახამენ წყალს და წაყრიან ზედ მიწას. ორი-სამი კვირის შემდეგ გადაშლიან ამ გროვას ხეხილების გარშემო და დასტოვებენ ასე ჩაუბარავს, რადგან ესეთი კირი წვიმითაც მალე დნება და ჩადის ნიადაგში.

უნდა ვსთქვათ რომ თუ წვიმებმა დაინიჟა კირის გაუენამდე, იგი კოლტკოლდება და თანასწორად მორიგება ყველა ხეხილების გარშემო ძნელდება, ისე რომ ისევ ისა სჯობია მშრალი კირი გაიფინოს დარში და ცოტაზე ჩაიბაროს, მით უმეტეს რომ ამ შემთხვევაში ნიადაგი უფრო მალე ფხვიერდება, თუ შეკრულია და გატინული, და შეიკვრება, თუ ზედმეტად შლილია და სუბუქი.

თითო კვ. მეტრ ნიადაგზე დაყრილი 100—300 გრ. გაუნელებელი კირი ყოფნის პატივად 4—5 წლის განმავლობაში.

კირი ნიადაგში ყველა დასაშლელ ნივთიერებების დაშლას აჩქარებს და მით აძლიერებს საზრდოობას ხეხილებისას, ხოლო ნიადაგს კი ხარბათ ერ-

თმევა სინოყვირე და მალე იფიტება. ამიტომ კირით გაპატივებასთან ნიადაგს სხვა სასუქებიც უნდა მიეცეს, რომ ნიადაგს სინოყვირე არ გამოელოოს და ამ პატივმა, როგორც ნემენცები ამბობენ, მამების გამდიდრებასთან შვილების გაკოტრება არ გამოიწვიოს.

გადავავლოთ ეხლა თვალი ყველა ზემოთ ჩამოთვლილ ხელოვნულ სასუქებს.

უფრო ხშირად სახმარებელი მათგან, როგორცადაც მეტი ღირსების სასუქები, არიან:

**ჩილის გვარჯილა. ტომასშლაკი ან სუფერფოსფატი და ქლორის კალი ან გოგირდმჟავიანი კალი.**

ეს ხელოვნური სასუქები, თუ პირაღებით ვაპატივებთ ბაღს, ერთ დესეტინაზე უნდება:

- ტომასშლაკი . . . . . 24—36 ფუთი
- ქლორის კალი . . . . . 12—18 "
- ჩილის გვარჯილა . . . . . 10—15 "

თუ ხეებს შემოუყურით გარშემო 1 1/2—1 1/2 არშინზე მოშორებით ხიდან, როგორც ზემოთ იყო ნათქვამი, მაშინ **თითო კვ. არშინ ნიადაგს** უნდება:

- 1) ტომასშლაკი (რომელსაც 15<sup>0</sup>/0 ფოსფორის სიმჟავე ურევია) . . . . . 4 1/2—7 მისხ.
- 2) ქლორის კალი (რომელსაც 53<sup>0</sup>/0 კალი ურევია) 2 1/2—3 1/3 მისხ.
- 3) ჩილის გვარჯილა (რომელსაც 15<sup>0</sup>/0 აზოტი ურევია) 2 1/2—6 მისხ.

**ან.**

- 1) სუფერფოსფატი (რომელსაც 15<sup>0</sup>/0 ფოს. სიმჟავე ურევია) . . . . . 3 1/2—6 მისხ.
- 2) ქლორის კალი (რომელსაც 53<sup>0</sup>/0 აზოტი ურევია) 2 1/2—3 1/2 მისხ.
- 3) ჩილის გვარჯილა (რომელსაც 15<sup>0</sup>/0 აზოტი ურევია) 2 1/2—6 მისხ.



როდესაც გვინდა გავიგოთ სჭირდება თუ არა ესა თუ ის სასუქი ნიადაგს, მარტო იმ სასუქის მიცემა, რომელზედაც ვფიქრობთ რომ უნდა აკლდეს, საკმარისი არ არის, რადგან ადვილად შეიძლება რომ მის გარდა კიდევ სხვა სასუქსაც საჭიროებდეს ნიადაგი და უკეთეს მარტო ამ ერთ სასუქს მოაყარით და მეორეს კი არა, პირველმაც არაფერი შედმოქმედება არ იქონიოს ხეხილებზე.

ასე მაგალითად, გვარჯილით გაპატივებულმა ნიადაგმა შეიძლება არაფერი შედეგი არ მოგვცეს, თუ ნიადაგს იმავე დროს ფოსფორის სიმუხვე ან კალი, ან კირი აკლია.

რომ არ შევცდეთ ჩვენს გამოკვლევაში, უნდა ერთნაირ ნიადაგში ერთდროივად მცენარეებს ერთ საცდელ ალაგას ყველა სასუქი მიცეთ და მეორე ალაგას კი ყველა იგივე სასუქები, გარდა ერთი იმისა, რომელიც გვინდა შევიტყოთ აკლია თუ არა ნიადაგს.

თუ ამ მეორე საცდელ ადგილას ხეხილებმა ვერ შეიტყეს შესამოწმებელ სასუქის მიუცემლობა სხვა სასუქებთან ერთად, მაშინ ნიადაგს ეს სასუქი არა სჭირებია. წინააღმდეგ შემთხვევაში, ე. ი. თუ ამ მეორე ადგილს ხეხილებმა ნაკლებად შეიმჩნიეს ნიადაგის გაპატივება, ვიდრე იქ სადაც ყველა სასუქი იყო მიცემული, მაშინ სასუქი, რომელიც გამოვტოვეთ, მართლა კლებია ნიადაგს და უნდა მიეცეს.

ესეთი ცდების გაკეთება, რასაკვირველია, ყველას არ შეუძლიან თავის მამულში. აი, ამიტომ აქვთ ხოლმე სახელმწიფოებს და კერძო საზოგადოებებს გამართული სამაგალითო საცდელი ადგილები, სადაც ყოველი ცდის გასაკეთებლად რაც საჭიროა ხელთა აქვთ.

ნიმუშად მოვიყვანთ აქ, როგორ აქვს მოწყობილი ერთს გერმანულ სამეურნეო საზოგადოებას ესეთი სამაგალითო ცდები:

მთელი საცდელი ბაღი აქვთ გაყოფილი 7 ნაწილად და თითო კვ. მეტრ ნიადაგზე აძლევენ:

I ნაწილში:

- 60 გრ. ჩილის გვარჯილას,
- 50 გრ. სუპერფოსფატს 20<sup>0</sup>/<sub>0</sub>;

II ნაწილში:

- 60 გრ. ჩილის გვარჯილას,
- 50 გრ. სუპერფოს. 20<sup>0</sup>/<sub>0</sub>,
- 40 გრ. ქლორის კალის 38<sup>0</sup>/<sub>0</sub>;

III ნაწილში:

- 60 გრ. ჩილის გვარჯილას,
- 50 გრ. სუპერფ. 20<sup>0</sup>/<sub>0</sub>,
- 125 გრ. კაინიტს;

IV ნაწილში:

- 60 გრ. ჩილის გვარჯილას,
- 50 გრ. სუპერფ. 20<sup>0</sup>/<sub>0</sub>,
- 30 გრ. ქლორის კალის 20<sup>0</sup>/<sub>0</sub>;

V ნაწილში:

- 60 გრ. ჩილის გვარჯილას,
- 90 გრ. ტომასსულაკს 16<sup>0</sup>/<sub>0</sub>,
- 30 გრ. ქლორის კალის 50<sup>0</sup>/<sub>0</sub>.

VI ნაწილში:

- 60 გრ. ჩილის გვარჯილას,
- 50 გრ. სუპერფ. 20<sup>0</sup>/<sub>0</sub>,
- 30 გრ. ქლორის კალის 50<sup>0</sup>/<sub>0</sub>,
- 500 გრ. წყალდაუსხმელ კირს;

VII ნაწილი—შესადარებელი უსასუქოდ არის დარჩენილი.

ყოველწლივ ამ შეიღსავე ნაწილში ხეხილებს უზომავენ ღეროებს ირგვლივ ძირიდან 1 მეტრზე მაღლა, ნიშნავენ: როგორ არიან განვითარებულნი მცენარის ყლორტები, ფოთლები, კვირტები და ნაყოფი.

ამ გზით რამდენიმე წლის დაკვირვების შემდეგ მიიღება ის ცოდნა, რო-

მელიც უნდა ჰქონდეს მებაღეს, რომ იმისთანა ჰავა-ნიადაგებში, როგორც საცდელ ბაღში იყო, ყოვლის მხრივ სასურველი ბალის მოსავალი მიიღოს.

ცხადია, რომ პატივის მიცემასთან ბალს მოვლა არ უნდა აკლდეს სხვაფრიაც. შორწყევას, დაბარვას, წამლობას სხვადასხვა მახარალებელ მწერთა და სოკოთ წინააღმდეგ და ხეხილების

კარგი ჯიშის შერჩევას ისეთივე აუცილებელი მნიშვნელობა აქვს...

კავკასიის სამეურნეო საზოგადოების საწყობში.

- ტომასშლაკი ღირს . . . 55 კაპ. ფუთი
- სუბერფოსფატი „ . . . 92 კაპ. „
- ქლორის კალი „ 1 მ. 12 კაპ. „
- ჩილის გვარჯილა „ 2 მ. 64 კაპ. „

3. შ — ელი

## ნამყენი ვაზი გურიაში

ნამყენი ვაზის დარგვა თითქმის ათი წლის წინეთ დაიწყო გურიაში, მაგრამ დღესაც სასურველათ ვერ არის მოწყობილი. ამ ფრიად სასარგებლო საქმის მეთაური ჩვენში ალექსანდრე შარაშიძე იყო, რომელიც ენერგიულად შეუდგა ამ საქმეს. გახსნა კერძო სასწავლებელი სამეურნეო განყოფილებით და შეგიძლებთან მეცადინეობის შემდეგ დიდრონებს უფასოდ ასწავლიდა ვაზის მყნობას და მოვლას. სამწუხაროდ სხვა უბედურებასთან ერთად გურიაში ეს სკოლაც ცეცხლს მისცეს, შარაშიძე იძულებული გახდა სადმე ჯამაგირში ჩამდგარიყო. ამ ნაირათ ეს ახლად ფეხადგმული საქმე დარჩა უპატრონოთ, ხოლო იმდენი სარგებლობა კი მოიტანა, რომ სხვა მხარეებთან შედარებით აქ, აღმოსავლეთ გურიაში, უფრო უკეთესად არის ეს საქმე მოწყობილი.

თუმცა სამეურნეო სწავლა მიღებულები მრავლად არიან ამ მხარეში, მაგრამ სოფელს ყველა გაურბის და პრაქტიკული ცოდნა ნაკლებად აქვთ, თორემ ჩვენში რომ მცოდნე კაცები თვითონ მუშაობდნენ, საქმე მართლა რომ წაღმა წავიდოდა. ერთი რომ აქ ხალხი ძლიერ მიმბაძველია, მეორე კიდევ ჩვენს უხვს ბუნებაში ყველაფერი შე-

იძლება ახვიროს კაცმა შეგნებული შრომით. აგერ ოთხმოცი წელიწადია, რაც ვაზის სწეულება გაჩნდა და მიუხედავად ამისა კიდევ მრავალი ჯიშის ვაზს უდგას აქ სული და დრო გამოშვებით ნაყოფსაც იძლევა. დამყნობის საშუალებით რომ მევენახეობის აღდგენა შეიძლება ეს ექვს გარეშეა, მხოლოდ იმ პირობებში კი ვერა, როგორშიაც დღეს არის. აი უმთავრესი ხელის შემშლელი მიზეზები:

1. ვერ არჩევენ ნიადაგისთვის შესაფერ ამერიკულ საძირე ჯიშებს.
2. ნერგების გამყიდველები, ხშირათ ასაღებენ სუსტად შეხორცებულ ნერგებს, რომელსაც გული უღლებს და ორი სამი წლის შემდეგ ხმება. გამომყიდველი პირობას იძლევა თუ გახმა გავაცოცხლებო, მაგრამ მეორეთაც ასე ცუდ ნერგებს იძლევა, ხან კიდევ ჩვენებურ ვაზს ჩვენებურზევე ამყნობენ, ან სულ არ ამყნობენ, არამედ ერთს კვირტს უტოვებენ ქვეშ, შემოუხაზვენ დანით, ჭრილობიდან წვენი გამოდის, კორძდება და გამოუცდელ მყიდველს ეს შესანიშნავად შეხორცებული ნამყენი ჰგონია და ხალხით მიაქვს. გარდა ამისა ხშირად საძირე ვაზებათ ოთხმოცდაათი ჯიშისას ყიდიან, ერთად არა მწიფდება და გამოუსადეგარი ხდება.



3. ყველა ესეც რომ თავიდან აიცილოს მყიდველმა, კარგი ნერგი იყიდოს, იმის უბედურობა კიდევ ახლა იმაშია, რომ მოვლა არ იცის. წამლის გაკეთება ხომ სულ არ ეხერხება. იშვიათად იქნება, რომ ვაზი არ დაწვას. ღვინოში ხომ ნახევრად მაინც გოგირდი და შაბიამანი ურევია.

4. ხშირად ნაყოფი სულ არ მჭიდვდება, რადგან ვაზს ხშირად კვირტავენ და უღროვოდ წვერებს სჭრიან. ჩვენში, რადგან მსუქანი მიწებია, ვაზი ხარბად იზრდება, სარებს ადრე სცილდება. ზედმეტი შრომა რომ აიცილოს პატრონმა, თავებს სჭრის და გვერდებსაც უმოწყალოდ კორტნის, რაც მარცვლების დაწვას და დაუმწიფებლობას გამოიწვევს. რა თქმა უნდა ასეთ პირობებში ღვინო ნაკლები ღირსების ღებება, მომვლელი კი თავს იმით იმართლებს რომ ჩვენში ვაზები მაღლარ იყო და დადაბლარება არ ეწყობაო.

ასეთ დასახიჩრებულ ვაზებს უფრო მეტად ლანჩხუთის მიდამოებში ნახავთ. ისეთ უსწავლელ გლეხს, რომელიც ვაზის მოსაზობის მიზეზით იმას ასახელებს, რომ ღვინის დალოცვას დაეთხოვენ და მიტომ ღმერთი გვირისხდებაო, მარტო ლიტონი სიტყვით ვინ დააჯერებს, რომ ფოთლებს ყურძნის დამწიფებაში დიდი მნიშვნელობა აქვთ.

სხვა მრავალ მიზეზებს შორის კიდევ არა ადგილობრივი ჯიშების გავრცელებას ასახელებენ. ეს მართალია, მარა

საესებით კი არა. ჩვენში როგორც შედგენილობით ისე მდებარეობით მიწის ძლიერი სხვადასხვაობაა. თუ შესაფერ საძირეს ავარჩევთ, ყველა ჯიშები შეგვიძლიან ვახეიროთ. რა თქმა უნდა ადგილობრივი ჯიშის გაშენება უფრო ხელსაყრელია: გარდა იმისა რომ ჩვენ ჰავასთან შეჩვეულია, ღვინოც საუცხოვეო თვისების ღებება, ზოგ მათგანს მაინც.

მხოლოდ ხეზე ასული ვაზებიდან მოკრილ ლერწებზე მყნობა ხელსაყრელი არ არის, რადგან დაავადებული ვაზის ლერწებიდან ნამყენი ნაკლებათ ხარობს, გვიან იზრდება და ადამიანს შრომის ხალისს უკარგავს. ყველაფერში ჩქარი და სულსწრაფი გურუული ამსვერ მოუცდის. ამისთვის ჯერ უმჯობესია დიდი დაკვირვებით არა ადგილობრივი ვაზი გავაშენოთ. ჩვენებური ვაზი კიდევ ჯერ ხეებიდან სარებზე გაუშვათ, ვუწამლოთ და ამის შემდეგ ვიხმაროთ სამყნობათ. ასე უნდა მოიქცეს გურია და სამეგრელო რომ ადგილობრივი ჯიშები აღადგინონ. ამასთან დიდი ყურადღება უნდა მიექცეს ნერგს, სად არის იგი ნახარები. მშრალს და მაღალს ადგილებში მორჩენილი ნერგი კარგი გამოდის, ავადმყოფობა ნაკლებათ აქვს და წამალიც ცოტა სჭირია. ასეთია ზემო იმერეთისა და ზეგანი გურიის ნერგები. თუ ზემო ჩამოთვლილ მიზეზებს ავიცდნთ, გურიაში და სამეგრელოში საუკეთესო ღირსების ღვინო დაღებება.

აგრიკოლა

### საყურადღებო ცნობები

როგორ დახმარებას უწევენ რუსეთის განათლებული პირნი რუსეთის სოფლის მეურნეობას. ამ ზაფხულს სმოლენსკის მაზრაში მოსკოვის სამეურნეო ინსტიტუტის სტუ-

დენტებმა—სმოლენსკელებმა მოძრავი სამეურნეო გამოფენა გამართეს, რომელიც სოფლიდან სოფელში გადაქონდათ. დიდა დახმარება ამ საქმეში სტუდენტებს სმოლენსკის საგუ-

ბერნია ერობამ გაუწია. ამ ერთი ზაფხულის განმავლობაში გამოუენამ 50 სოფელი მოიარა. გამოუენაზე არევენბდნენ ხალხს საუკეთესო სამეურნეო იარაღებს: გუთნებს, ფარცხებს, გასამარგლებს და სამეურნეო მაშინებს: სანიავებელს, საცხავებელს, სეპარატორებს, სადღებებებს და სხვ.

სტუდენტები უხსნიდნენ ხალხს რომელი მაშინა როგორ არის გაკეთებული და იქვე არევენბდნენ ამ მაშინით მუშაობას.

გარდა ამისა გამოუენაზე ქონდათ ნახატები, რომლებიდანაც მყურებელი ტყავულაზბდა: რომელი ხელოვნური სასუქი როგორა რგებს მცენარეებს; ქონდათ აგრეთვე დაბეკოლილი წიგნები მეურნეობის სხვადასხვა დარგიდგან, რომელიც გლენებს უფასოდ ურიგდებოდათ და დანარჩენ მსურველებს კი მცირედის ფასით ეძლეოდათ.

ამ გამოუენაზე წაკითხულ იქნა მეურნეობიდგან რამდენიმე ლექცია მოსკოვიდან ჩამოსულ განათლებულ პირთაგან, რომელთა შორის იყვნენ პროფეს. ნ. მ. კულაგინი, აგრონომი ა. ზუბრილინი, პროფ. გ. ი. გურიანი, ა. გ. დოიარენკო და სხვები.

პროფ. კულაგინმა გააცნო გლენებს ფუტკრის ცნავერება, მის მოვლა და გამოყენება. ლექციის დროს ეკრანზე (დაჭიმული ტილო) ფარნის შემწეობით იხატებოდა ფუტკრის სხეულის აგებულება და მეფუტკრეობის შესახები სხვადასხვა ავეჯ-იარაღები.

გამოუენაზე ქონდათ აგრედვე საჩვენებლად და გასაყიდადაც საუკეთესო სისტემის გეჯები.

აგრონომი ზუბრილინი უხსნიდა ხალხს რადიდი მნიშვნელობა აქვს სხვადასხვა ბალახების რიგ-რიგად დათესვას სხვათა მიზანთა შორის წიადაგის გასანაოყიერებლადაც.

დასასრულ გლენებმა სთხოვეს პროფესორს დაველო მინდვრები და მიეცა რჩევა, სად—როდის—რომელი ბალახი დათესონ.

პროფესორმა თხოვნა აასრულა—დაიარა მინდვრები და დაუნიშნათ სად რა დათესონ. ლექციები იმართებოდა კვირა-უქმედღე. ხალხი დიდძალი ენსრებოდა ამ ლექციებს.

გამოუენა რჩებოდა ერთ ალაგს რამდენიმე დღე და შემდეგ სხვაგან გადადიოდა.

**სად როგორ არის გავრცელებული სამეურნეო იარაღების და მაშინების ხმარება რუსეთში.** სამეურნეო მაშინების და საუკეთესო სამეურნეო იარაღების ხმარებას ამ

უკანასკნელ ხანებში შესანიშნავად შეეჩვივნენ გლენები პერმის გუბერნიაში. პერმის საგუბერნია ერობის ანგარიშიდან სჩანს რომ ესლა პერმის გუბერნიაში არის 700 მაშინა ძნის შესაკრავი; 4.500 სამკალი; 2000-მდე სათიბი, 40 ათასი სანიავებელი, 18 ათასი სალეწავი, 500 მთესავი, —ერთი სიტყვით გუბერნიაში ყოველ 100 სოფელზე 75 სათელი უკვე ხმარობს სანიავებელ და სალეწავ მაშინებს. ძნის, თივას და სხვა მოსავლის ასაღები მაშინებიც ბევრია ხმარებაში. ხალხი შეეჩვია სამეურნეო იარაღებისა და მაშინების მოვლაგამოყენებას. ესლა დღიური ვარამი იმაში მდგომარეობს, რომ ჯერ არ არის სოფლად იმისთანა სახელოსნოები, სადაც როცა რამ გაუფუქდება ამ სამეურნეო მაშინებს, შეკეთება შეიძლებოდეს.

**როგორ ვრცელდებიან „მომხმარებელი ამხანაგობანი“ ფილიანდიაში.** ფილიანდიაში, როგორც მოგვითხრობს მ. პრიმაკი 1907 წელს სულ 1263 კოოპერატიული ამხანაგობა ითვლებოდა. ამითში „მომხმარებელი ამხანაგობა“ იყო 389, სასოფლო-სამეურნეო 330, საამხანაგო კასები 220, სხვა დანარჩენი 240.

„მომხმარებელ ამხანაგობათ“ წარსული ასეთია:

1901 წელს იყო მარტო . . . . .	1	მომხმ. ამხ.
1902 წ. გახდა . . . . .	17	„ „
1903 წ. . . . .	71	„ „
1904 წ. . . . .	130	„ „
1905 წ. . . . .	170	„ „
—		
1907 წ. . . . .	389	„ „
1908 წ. . . . .	400	„ „

ყველა „მომხმარებელ ამხანაგობათა“ წევრთ რიცხვი იყო შარშან 80,000.

1904 წელს არსებულ ყველა მომხმარებელ ამხანაგობათაგან შესდგა კავშირი, რომელსაც „ცენტრალური ამხანაგობა“ უწოდეს სახელად.

ამ კავშირის პი ღირდა 100 ფინური მარკა (ერთი ფინ. მარკა შეადგენს 37 1/2 კაპეიკს), საწევრო გარდასახადი იყო ერთდროებით 5 მარკა და თითო პაიზე დაკისრებული იყო 300 მარკის თავდებობა.

ყურადღების ღირსია ის მოგენა, რომ მთელი რუსეთის კოოპერატიულ საზოგადოებების წარმომადგენელთ კრებაზე მოსკოვში 1908 წელს დაადგინეს: „კოოპერატიულ ამხანაგობებში ნუ იქნება დაშვებული პაიზე ზედმეტი თავდებობის დაკისრებაო“. ფილიანდიაში კი 1907 წელს ფინურ კოოპერატიულ ამხანაგობათა წარმომა-



დგენლებმა შეერთებულ კრებაზე აუცილებელ საპირობებად იცნეს კოოპერაციების შესახებ კანონის იმ აზრით შესწორება, რომ პაიზედ ზედღეტი თავდებობის დაკისრება სავალდებულო იყოს, რომ წინააღმდეგ შემთხვევაში კანონი უკრძალავდეს კოოპერატიული ამხანაგობის დაარსებას.

აქედან უნდა ვიფიქროთ, რომ ფინებს პასუხისგებლობისა არ ჰქონიან ამხანაგობაში, რაც, ცხადია, მათ წვევრთა პატიოსნებას და ერთი ერთმანეთისადმი არსებულ ნდობას ამტკიცებს.

1908 წელს კავშირის სახალხმობი ცენზო თან-

ხა-ქონება უდრიდა 14,254,072 მარკას, წმინდა მოგება ქონდა კავშირის 106557 მარკა.

კავშირის შემადგენელ ამხანაგობათა სახალხმობი ცენზო თანხების დასახმარებლად დაარსდა კოოპერატიული ბანკი, რომელსაც ძირის თანხად 75000 მარკა აქვს და ჰქვია სახელიად „სამოძრაო ბანკი“.

ამა 1909 წელს ფინლიანდიის კოოპერატიულ ამხანაგობათა წარმომადგენელთ კრებაზე ქ. კუპიოში კრებამ დაადგინა დაარსოს ისეთი კავშირი, რომელიც გარეშე ქვეყნებთან სახალხმობი ცენზო საქმეებს მოაწესრიგებს და აწარმოებს ამიერიდან.

„ჩ. ვ.“

ვ. გულბათიშვილი.

### თანამშრომელთა და მკითხველთა საყურადღებოდ

ნახევარი წელიწადი გავიდა, რაც „მოსავალი“ იბეჭდება. ამ მცირედი ხნის გამოცდილებამ სასვეციალო ჟურნალის გამოცემაში უკვე გვაგრძობინა, რამდენად აფერხებს მუშაობას მეცნიერებათა თითქმის ყველა დარგში ტერმინების უქონლობა.

შრომის ამ შრივ გასაადვილებლად და გასაუმჯობესებლად რედაქციამ დაარსა კოლეგია, რომლის კომპეტენციას

ტერმინების შემუშავებაში თავისთვის სავალდებულოდ მიიღებს იმ იმედით, რომ გარემოება იგი ერთის მხრით გამბედაობასა და სიმშვიდეს მისცემს შრომაში ყველა იმთ, ვინც ქალაქ გარეთ სცხოვრობენ და არ შეუძლიან რედაქციას თან პირის-პირ შეთანხმება რომელიმე ტერმინის ხმარების შესახებ, და მეორეს მხრით მისცემს ქართულ ენას მეცნიერებათა ყველა დარგში გარკვეულ სახიერებას.

კოლეგიაში ჯერხანობით მოწვეულ არიან: გოგებაშვილი ი., სარაჯიშვილი ა., ჯანაშვილი მ., თაყაიშვილი ე., იოსელიანი ე., გულისაშვილი შ., ყიფშიძე გ., ჯაბადარი ი., კარიჭაშვილი დ., ბილანაშვილი შ., დედაბრიშვილი შ., დამბაშიძე ვ., ალაძე ი., გულისაშვილი შ.

## გ ა ნ ც ხ ა ღ ე ბ ა ნ ი

### გამოფენა-ბაზარი

20—30 ნოემბრამდე კავკასიის სამეურნეო საზოგადოების დარბაზში (ალექსანდრეს ბაღი) იქნება გამართული გამოფენა-ბაზარი მეფუტკრეობის ყველა ნაწარმოებთა (თაფლი, სანთელი და სხვ.) და ამ მეურნეობის დარგში სახმარ ავეჯ-იარაღთა (გეჯეები და სხვ.). გამოფენილი საქონლის შეძენა ნაქერ-ნაჭერ ან დაკვეთა იქვე შეიძლება. გამოფენა-ბაზარის ნახვა შეიძლება დილის 10 საათიდან საღამოს 7 საათამდე. შესასვლელი ბილეთი ღირს 10 კაპ.

მოსავლის რედაქციაში იხილება შემდეგი მართული წიგნები:

- ვ. ი. რცხილაძე კრებული არითმეტიკული ამოცანებისა (შეფრე ნაწილი) 50 კ.
- იმისივე (თარგმანი) ქიმია პრ. როსკოსი (შეფრე გამოცემა) 40 კ.
- იმისივე საზოგადოებრივი ცხოვრების წარსულიდან ღ შევიცარიის ძირითადი კანონები 25 კ.

(ამ გამოცემის წმინდა შემოსავალი ტფილისის სასახლს უნივერსიტეტის სასწავლებლად არის დანიშნული).

რედაქ.-გამომცემელი ვ. ი. რცხილაძე